



60 1 2 3 4 5 6 7 8 9 70 1 2 3 4 5 6 7 8 9

80

1

2 3 4 5 6 7 8 9

C40-4514

江翁上座請大藏堂有
家書置之武川院中永

我微笑塔院直房中永
為學者不敢許出院內
當山二世鐵牛機謹誌



B 64853

阿毗曇心論卷第一

尊

者

法

勝

造

東

晉

僧

伽

提

婆

共

慧

遠

譯

界品第二

前頂禮最勝

離惱慈哀顏

亦敬頤教衆

無著集真僧

說曰法相常知何故應知法相者常定知常定相
彼曰定智有定智相則爲決定以是故說法相應當
知問世間亦知法相此極愚亦知堅相地濕相水熱
相火動相風無礙相空非色相識如是一切不應已

60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9 80 1 2 3 4 5 6 7 8 9

知復知若已知復知此則無窮無窮者此事不然云
何說法相應當知答世間不知法相若世間知法相
者一切世間亦應決定而不決定法相者常定不可
說知法相而不決定若然者不決定亦應決定但不
爾是以世間不知法相復次堅相地無常相苦相非
我相若不爾者堅相應有常相樂相有我相而不爾
是故堅相卽無常相苦相無我相若世間於地知堅
相者無常相苦相無我相亦應知而不知是故世間
不知地堅相問前說法相應當知此法云何答

若知諸法相 正覺開慧眼 亦爲他顯現

是今我當說

問佛知何法答

有常我樂淨

離諸有漏行

諸有漏行轉相生故離常不自在故離我壞敗故離
樂慧所惡故離淨問若有常我樂淨離諸有漏法者
云何衆生於中受有常我樂淨答

計常而爲首 妄見有漏中

衆生於有漏法不知相已便受有常我樂淨如人夜
行有兒起賊相彼亦如是問云何是有漏法答

若生諸煩惱 是聖說有漏

60123456789

70123456789

若於法生身見等諸煩惱如使品說是法說有漏問何故答

所謂煩惱漏 慧者之假名

煩惱者說漏漏諸入故心漏連注故留住生死故如非人所持故是故說有漏問此更有名耶答

是名爲受陰 亦復煩惱諍

是法說盛陰說勞說諍問何故答

煩惱諍起故 是彼應當知

身見等諸煩惱勞於衆生故說煩惱受身故說受忿怒心故說諍從身見等生諸有漏法是生勞故說勞

是陰聖所說

謂法離身見等諸煩惱亦解脫諸漏有爲從因生故是一切及前說盛陰此總說陰是五陰色痛應云
覺也想行識問色陰云何答

十種謂色入 亦無教假色 是分別色陰

牟尼之所說

十種謂色入者眼色耳聲鼻香舌味身細滑亦無教假色者如業品說此色是色陰分別色陰時是世尊

601234567897012345678980123456789

說

所名曰識陰 此即是意入 於十八界中
亦復說七種

謂識陰即是意入亦界中七種分別眼識耳鼻舌身
意識及意

餘則有三陰 無教三無爲 謂是說法入
亦復是法界

餘則有三陰者痛陰想陰行陰無教三無爲者虛空
數緣滅亦非數緣滅此總說法入亦復是法界如是
此法說陰界入但陰一向有爲界及入有爲無爲已

說陰界入一一相今當說

界中一可見 十則說有對 無記謂八種
餘則善不善

界中一可見者色界此可視在此在彼是故可見當
知十七不可見十則說有對者十界有對眼色耳聲
鼻香舌味身細滑是各各相對各各相障礙處所若
有一則無二是故有對當知八無對無記謂八種者
眼耳鼻香舌味身細滑此非樂報可記亦非苦報可
記故曰無記餘則善不善者色聲意法及六識善身
動是善色不善身動是不善色餘色無記如是聲口

601234567897012345678980123456789

動淨心七識界善不善煩惱相應是不善餘無記法
界謂心相應彼如心說若不相應如雜品說

有漏有十五 餘二三三有 欲有中有四

十一在二有

有漏有十五者五內界五外界五識界漏止住故餘
二者意界意識界法界此或有漏或無漏若漏止住
是有漏異則無漏三三有者意法識界是三有中可
得欲有色有無色有欲有中有四者香味鼻識舌識
是一向欲有中攝非色無色有離欲搏食故一切香
味是性搏食十一在二有者欲有色有十一界內五

色聲細滑及是境界識此非無色中以離色故

有覺有觀五 三行三餘無 有緣當知七
法入少所入

有覺有觀五者五識界與覺觀俱麤故覺觀相應三
行三者意法識界此三行若欲界及初禪是有覺有
觀若中間禪是無覺少觀是上無覺無觀餘無者謂
餘界非覺俱亦非觀俱不相應故有緣當知七者七
界有緣有此緣故曰有緣如人有子謂之有子彼
亦如是眼識緣色耳識緣聲鼻識緣香舌識緣味身
識緣細滑意識緣諸法法入少所入者若心心數法

60123456789

70123456789

論

阿彌陀心經卷一

五

五及七

是有緣餘則無緣

九不受餘二 爲無爲共一 一向是有爲

當知十七界

九不受者受名謂若色根數亦不離根是心心數法所行於中止住故異則不受於中九界不受聲心法界非於中心心數法止住餘二者五內界若現在是受於中心心數法止住過去未來不受非彼心心數法止住色香味細滑若不離根及現在是受如心心數法根中止住彼中亦爾不離根故餘則不受爲無爲共一者一法界有爲及無爲於中三種有常故不

可說有爲餘法界無常故有爲有爲無爲合施設故是以爲無爲共一一向是有爲當知十七界者十七界無常故一切有爲是故一向有爲問如是分別法相已云何攝法爲自性爲他性答自性問何故答

諸法離他性 各自住已性 故說一切法
自性之所攝

諸法離他性者謂眼離耳如是一切法不應說若離者是攝已故非他性所攝各自住已性者眼自住眼性如是一切法應當說若住者是攝故說一切法自性之所攝已施設自性所攝於中可見法一界一陰

601234567897012345678980123456789

6012345678980123456789

論語卷第一

兩師堂心解卷一

七

卷七

一入所攝如是一切法復次此義契經品當廣說
行品第一

已說諸法自相如法生今當說問若諸法自性所攝
者亦當以自力故生答

至竟無能生用離等侶故

一切法不能自生所以者何諸行性劣無勢力故如
羸病人不能自力起問若不自力起當云何起答

一切衆緣力諸法乃得生

如羸病人由他扶起彼亦如是如心由伴生今當說
若心有所起是心必有俱心數法等聚

及不相應行

心者意意者識實同而異名此心若依若緣若時起
彼心共俱心數法等聚生問何者心數法等聚答

想欲更樂慧念思及解脫作意於境界

三摩提與痛

想者事立時隨其像貌受欲者受緣時欲受更樂者
心依緣和合不相離慧者於緣決定審諦念者於緣
憶不忘思者功德惡俱相違於心造作解脫者於緣
中受想時彼必有是作意者於緣中勇猛發動定者
受緣時心不散痛者樂不樂俱相違緣受

6012345678970123456789

80

一切心生時 是生聖所說 同共一緣行
亦復常相應

一切心生時是生聖所說者此十法一切心生時共生是故說名大地同共一緣行者一切心共俱同緣行不相離亦復常相應者各各共俱及與心俱常相應共行離增減故故曰相應已說心數法謂通一切心中不通今當說

諸根及覺觀 信猗不放逸 進護衆煩惱
或時不相應

諸根者善根無貪無恚無愚癡覺者於心麤相續觀

者於心細相續信者成實真淨猗者善心時於身心離惡故快樂不放逸者作善時方便不捨進者作事專著護者作事行以不行求以不求自守無爲衆煩惱者如使品說此法非一切心中可得或時相應或時不相應問何故說心數答意謂之心彼眷屬故說心數已說諸心數法相如所生今當說

不善心品中 心數二十一 犢汚二損減

欲界非不善

不善心品中心數二十一者不善名若心生欲界諸煩惱除欲界身見邊見是轉成不愛果故謂不善此

60123456789

70

89

心品中當知有二十一心數法十大地覺觀二煩惱無慙無愧睡掉不信放逸懈怠穢污二損減欲界非不善者謂心品是欲界穢污非是不善如身見邊見相應此心品中當知有十九心數法除無慙無愧一向不善故

善不共二十 無記有十二 悔及於眠心

是以爲增

善不共二十者不共名謂心獨一無明煩惱生是二十心數除一煩惱餘如前說善名謂淨心能轉成愛果此心共俱當知有二十大地覺觀信進猗不放逸

善根護慚愧無記有十二者不穢汚心品中有十二心數法十大地覺觀悔及於眠心能以爲增者悔名事不成恨爲悔是善不善彼相應心品中增悔餘心數法如前說眠名滅心一向令不自在爲眠是一切五品中生彼盡增益餘心數法如前說若悔眠不行三品中是增二餘心數法如前說問此欲界心相續說色界云何答

初禪離不善 餘知如欲有 禪中間除覺
於上觀亦然

初禪離不善餘知如欲有者初禪無不善彼中有四

品善穢汚不共無記是如欲界說善中二十無記十二穢汚十九已離不善當知亦離無慙無愧一向不善故不共有十八禪中間除覺者中間禪無覺彼一向除覺餘如初禪說於上觀亦然者第二第三第四禪亦復無觀及無色界於中一切除觀覺前已除已說心數法由伴生色今當說

極微在四根 十種應當知

身根有九種

餘八種謂香

極微在四根十種應當知者謂極微在眼中是知有十種地種水火風種色種香味細滑種眼根種身根

種耳鼻舌極微亦如是身根有九種者謂餘身種極微九種彼有一根種餘如上說餘八種者於中餘非根色中極微有八種問此極微何界說答謂香欲界中有香色界中離香彼一切除香味種餘種如欲界說問前已說若心生彼中心心數法生及心不相應行於中已說心數法心不相應行云何答

一切有爲法 生住變異壞

一切有爲法各各有四相生住異壞世中起故生已起自事立故住已住勢衰故異已異滅故壞此相說心不相應行問若一切有爲法各有四相者是爲相

復有相答是亦有四相彼相中餘四相俱生生爲生
住爲住異爲異壞爲壞問若爾者便無窮答

展轉更相爲

此相各各相爲如生生各各相生如是住住各各相
住異異各各相異壞壞各各相壞是以非無窮後四
相各行一法前四相各行八法生者生八法前三後
四及彼法餘亦如是已說諸行伴如由伴生今當說
所作共自然 普偏相應報 從是六種因

轉生有爲法

一切因盡在六因中此因生一切有爲行於中所作
因者生法時不障礙不留住由此故生不相似法如
由地萬物得生共因者諸行各各相伴由此故生如
心心數法心不相應行及極微種自然因者謂彼自
已相似如習善生善習不善生不善習無記生無記
如物種隨類相因一切徧因者謂諸煩惱轉相續生
如見我審入計著由此見故於我有常無常審入計
著謗陰相審入計著於陰相猶豫受有常樂淨等生
諸煩惱如是說諸一切徧如使品說相應因者心及
心數法各各力於一緣中一時行相離則不生報因
者謂行生於生中轉成果如善愛果不善不愛果由

此故生已說諸因諸法隨因中生今當說

若心因報生 心數及煩惱 是從於五
興起應當知

若心心數法因報生及諸煩惱是從五因生報因生者從所作因生從生時相似不相似物不障礙故生從共因生伴力故生彼各各相伴及心不相應行共伴從自然因生彼有相似前生無記法從相應因生俱一時一緣中行從報因生彼善不善謂此異穢污心心數法除報因無記故是從一切徧因生由此故生餘四因如前說

*是彼不相應 諸餘相應法 除其初無漏

是從四因生

是彼不相應者若色從報生及心不相應行是從四因生所作因共因報因自然因穢污色及心不相應行亦從四因生所作因共因自然因一切徧因諸餘相應法除其初無漏是從四因生者餘心心數法除其初無漏亦從四因生所作因共因自然因相應因謂餘不相應 因生當知三 及諸餘相應

初生無漏法

謂不相應法前所說於中餘若有自然因除初無漏

是從三因生所作因自然因共因初無漏相應亦從三因生所作因共因相應因是前無自然

於中不相應 應從二因生 若從一因生

生者必無有

於中不相應應從二因生者初無漏品中色心不相應行從二因生所作因共因已說一切有爲於中若從一因生者必無有已說諸因如此因如來定知諸法相覺力教化故說緣今當說

次第亦緣緣

增上及與因

法從四緣生

明智之所說

次第緣者一心生相續無間緣緣者心心數法境界緣彼故心心數法生增上緣者是所作因一切萬物萬物生時不作罣礙但自所作爲要是說增上緣因緣者共因相應因自然因報因一切偏因已說諸緣諸法隨緣生今當說

心及諸心數 是從四緣生 二正受從三

謂餘說於二

心及諸心數是從四緣生者心心數法從四緣生前開導故生是彼次第緣境界是彼緣緣除其自己餘一切諸法是彼增上緣二正受從三者無想定滅盡

定是從三緣生於中入定心是彼次第緣於中自地
前生功德是彼因緣及彼俱生生住異壞亦彼因緣
彼增上緣如前說謂餘說於二者離彼餘心不相應
行及色從二緣生因緣及增上緣問以何故此諸法
謂之行答

多法生一法 一亦能生多 緣行所作行

如是應當知

多法生一法一亦能生多者無有一法能自力生但
一法由多法生多法亦由一法生以是故謂緣行所
作行如是應當知

業品第三

已說諸行已性及由諸因緣生今謂此有因能嚴飾
果種生種生差別可得今當說

業能莊飾世 趣趣在處處 是以當思業

求離世解脫

業能莊飾世趣趣在處處者三世於五趣中種種身
差別嚴飾是世嚴飾事惟業是以當思業求離世解
脫

身業及口意 有有之所造 從是生諸行

嚴飾種種身

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

身業及口意有有之所造者謂身口意業生生所造作從是生諸行嚴飾種種身此業相今當略說

身業教無教 當知一俱有 口業亦如是

意業惟無教

身業教無教當知二俱有者身業性二種有教性無教性於中有教者身動是善不善無記善從善心生不善從不善心生無記從無記心生無教者若作業牢固轉異心中此種子生如善受戒人不善無記心中彼猶相隨惡業人惡戒相隨口業亦如是者口業性亦二種意業性無教者意業性一向無教所以者

何不現故思微相續故問此五業幾善幾不善幾無記答

教當知三種 善不善無記 意無教亦然

餘不說無記

教當知三種善不善無記者身口教說三種善不善無記於中善身教者行施持戒等善心作身動不善身教者殺生不與取非梵行等不善心作身動無記身教者無記心作身動如威儀工巧伎術如是口動善者如不虛言饒益相應時言等從善心生口業不善者如妄言兩舌惡口綺語等從不善心生口業

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

無記者從無記心生口業意無教亦然者意業無教亦三種善不善無記善心相應思是善不善心相應思是不善無記心相應思是無記餘不說無記者餘有一身無教及口無教彼二種善不善無無記所以者何無記心羸劣彼不能生強力業謂轉異心中彼相似相隨是故身無教口無教無無記問無記業何等性何處繫答

色有無記一 隱沒不隱沒 隱沒繫在色

餘在於二界

色有無記二 隱沒不隱沒者身口業是色性以業色

性故二種隱沒及不隱沒隱沒者謂煩惱所覆亦從諸煩惱生異者是不隱沒隱沒繫在色者若隱沒一向繫色界所以者何思惟斷煩惱能起身口業此欲界思惟斷煩惱一向不善不以不善煩惱能起無記業餘在於二界者不隱沒無記業亦繫在欲界亦繫在色界意業如心說是餘處分別故今不說

身口業無教 當知善不善 三相禪無漏

調御威儀戒

身口業無教當知善不善者業若色性於中若無教性是善不善三相禪無漏調御威儀戒者無教戒有

三相無漏禪生調御威儀無漏者謂戒道共俱行正語正業正命禪生者謂禪俱行離惡調御威儀戒者謂欲界戒

無教在欲界

教依於二界

當知非心俱

謂餘心俱說

謂欲界無教是非心共俱所以者何謂受戒唯善心不善心無記心隨行而不與善不善無記共俱教者亦在欲界亦在色界但非心共俱所以者何由身故色界無教及無漏與心共俱所以者何由心故此非餘心中隨行已分別諸業若成就業今當說

無漏戒律儀 見諦所成就 禪生若得禪

持戒生欲界

無漏戒律儀見諦所成就者見諦謂無漏見見聖諦初生無漏見時見於欲界苦諦是故一切聖人成就無漏戒禪生若得禪者謂得禪是成就禪戒持戒生欲界者若受戒者彼成就欲界戒已略說成就如過去未來現在可得今當說

謂住威儀戒 無教在於今 當知恒成就

或復盡過去

謂住威儀戒無教在於今當知恒成就者若住威儀

戒一切時成就無教戒彼終不離至命盡所縛或復盡過去者或成就過去無教戒若盡不失謂初已盡是成就過去過去者假名爲盡

若有作於教 卽時立中世 當知成過去
已盡而不捨

若有作於教卽時立中世若作身口教爾時卽成就現在教現在者假名中世當知成過去已盡而不捨者若彼教已盡不失爾時卽成就過去

謂得禪無教 成就滅未至 中若入正受
教亦如前說

謂得禪無教成就滅未至者若得禪彼成就過去未來所以者何如彼禪成就戒亦復爾中若入正受者現在假名中彼若入定爾時成就現在無教所以者何與定俱故教亦如前說者如住威儀戒若作教爾時成就現在教若不作教爾時不成就教若盡不失爾時成就過去若不盡設盡便失爾時不成就住禪戒亦復如是

悉成就當知 得道若未至 中間在道心
盡不捨前世

悉成就當知得道若未至者一切得道成就未來無

漏無教所以者何如彼無漏心成就戒亦復爾中間
在道心者已合道若入於定爾時卽成就現在盡不
捨前世者前世是過去彼於此無教若盡不失如得
聖果及退者成就過去無教

若作惡不善 立戒成就二 至彼纏所纏
盡已盡當知

若作惡不善立戒成就二者如此住威儀戒或住禪
戒或住無漏戒或作不善濁重纏爾時於不善中起
無教卽成就教及無教若非濁重纏不起無教問幾
時成就答至彼纏所纏若纏所纏隨可得成就盡已

盡當知者彼纏若盡教及無教亦隨盡

處不威儀戒 無教成就中 惡而不愛果
亦復過去盡

處不威儀戒無教成就中惡而不愛果者若住不威
儀戒爾時成就不善無教不善名不愛果亦復過去
盡者滅非不滅

有教現於時 是說成就中 亦復盡過去
善於上相違

有教現於時是說成就中亦復盡過去者教謂如前
說善於上相違者如住威儀戒說不善如是住不威

儀說善至彼善心

若處中所作 卽成就中世 亦復過去盡
或二亦復一

處中者不威儀亦非不威儀住是居中容彼如善住
說善或復二有教及無教或一向教或善不善或一
問云何得色界戒云何捨爲根本禪得爲餘方便答
非一向根本禪若得

色界中善心 得定威儀戒 是失彼亦失
無漏有六心

色界中善心得定威儀戒者若得色界善心或離欲
或不離欲彼一切得色界戒所以者何一切色界善
心中戒常共俱問云何失答是失彼亦失問無漏云
何答無漏有六心無漏戒無漏六地心共得問云何
失答是失彼亦失六地者未來禪中間禪根本四禪
問此戒幾時捨答

調御威儀戒 是捨於五時 禪生及無漏

二時覺所說

調御威儀戒是捨於五時者威儀戒五時捨罷道犯
戒死時邪見增法沒盡禪生及無漏二時覺所說者
禪戒二時捨退及上生無漏戒亦二時捨退及得果

6012345678970123456789

80

9

問餘業云何捨答

不善戒有二 善無色亦然 穢汚說一時

若業在於意

不善戒有二者不作方便及死時善無色亦然者善無色業亦一時捨善根斷時及上生穢污說一時若業在於意者穢汚意業一時捨離欲時已說諸業性及成就如此業世尊種種分別今當說

若業與苦果 當知是惡行 意惡行增上
貪瞋恚邪見

若業與苦果當知是惡行者謂業是不善盡說是惡

行不善者苦果意惡行增上貪瞋恚邪見者不善思願是意惡行復三種說意惡行貪瞋恚邪見

此相違妙行 最勝之所說 若於中最上
是名爲十道

此相違妙行最勝之所說者此相違一切善業及無貪無恚正見若於中最上是名爲十道者若於不善業中若業最上者是說業道如殺生不與取邪行妄言兩舌惡口綺語貪恚邪見於中殺生者衆生想捨衆生意斷他命求方便成業不與取者物他所有他想不與輒取邪行者婦女他有所犯於道若自所有

時時犯非道妄言者異想意欺詭他說兩舌者增他故親相離方便說惡口者以瞋於他不愛言綺語者不善心無義言貪者欲界欲恚者忿怒邪見謗因果此是是業道餘者非業道謂此行方便求及飲酒等不正業思願者是根本業此以彼十爲道

若業現法報 次受於生報 後報亦復然
餘則說不定

謂業能成現法果時則不定問如世尊說三業樂報苦報不苦不樂報此云何答

若欲界中善 及色界三地 是應有樂報

受者定不定

若欲界中善及色界三地是應有樂報者欲界善業生報與樂俱及色界初禪第二第三亦生報與樂俱此總說樂報問此亦是定耶答受者定不定若定若不定是四地中善一切有樂報

生不苦不樂 謂在於上善 若受於苦報
是說不善業

生不苦不樂謂在於上善者第四禪地善業及無色中是不苦不樂報是生報與不苦不樂俱於中無樂痛若受於苦報是說不善業者不善業是苦報必與

苦痛俱受報此亦定不定如上問世尊說四業黑白
報白白報黑白黑白報不黑不白無報此業云何答
色中有善業 是白有白報 黑白在欲界
黑報說不淨

色中有善業是白有白報者色界善業是白報一向
不淨故及離不善故彼一向極妙報是謂白有白報
黑白在欲界者欲界善業黑白黑白報所以者何是
不善所壞羸劣故說黑白彼雜受報愛不愛故說
黑白報黑報說不淨者不善謂不淨是黑增惡故鄙
賤故是說黑報

若思能捨離 是盡無有餘 彼在無礙碍

謂是第四業

謂道能滅此三業是無礙道若有思此思是第四業
於中四思思惟道滅第二業十三有二道見諦道四
思惟道九是無漏思不墮惡故不黑不可樂故不白
與無窮相違故無報問世尊說身口意曲穢濁此云
何答

曲生於譏僞 穢從瞋恚生 欲生謂爲濁

世尊之所說

曲生於譏僞者若業從僞生是曲欺詐故穢從瞋恚

生者若業從恚生是穢一向諍故欲生謂爲濁世尊之所說者若業從欲生是濁一向塵垢故問如世尊說三淨身口意此云何答

淨一切妙行 滿者是身口 謂無學意滿

即是無學心

淨一切妙行者若有妙行是一切淨離煩惱不淨故問滿云何答滿者是身口無學意中身口妙行是謂滿善除一切罣礙故謂無學意滿即是無學心者若無學意滿是無學心所以者何無學心者已逮得牟尼相故已說諸業假名果今當說

善惡不善業 是俱有一果 善或成三果

一果謂餘說

善惡不善業是俱有二果者善業成二果所依果及報果無漏業亦有一果所依果及解脫果不善業亦有二果所依果及報果善或成三果者謂善有漏業能除諸煩惱是三果所依果報果及解脫果一果謂餘說者謂餘無記業是一果所依果無餘問造色相是身口業是業何大四造答

自地若有大 依於身口業 無漏隨力得
是彼謂之果

6012345678970123456789

80

9

自地若有大依於身口業者若欲界諸業是依於欲界大此所造故色界業亦如是問無漏諸業云何答無漏隨力得是彼謂之果者無漏色若依四大得卽依彼地若住欲界得道彼身口業欲界四大造如是一切地謂力隨色界欲及無色界彼若命終生無色中若未得而得身口業是身口業卽彼地四大造問如世尊說三障業障煩惱障報障是相云何答

無間無救業 廣能生煩惱 惡道受惡報

障礙亦應如

等最大惡答

若業壞僧者 是說爲極惡

謂業壞僧是業最惡是阿鼻大地獄住劫問何者最大妙答

第一有中思 當知彼最大

非想非非想處於有第一彼地攝思是大妙極大果

彼八萬劫壽報

阿毗曇心論卷第一

校誤

第二十四紙第十五行

是隨色界欲
南藏除色界欲

60

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

音釋

猗於其切羸劣羸力追切延羸也輒陟葉切誦僞
輕安也劣力輟切弱也專也謂僞
詣丑琰切佞言也逮徒耐切
僞危睡切許也及也

吳江縣居士吳煥周永年周永言
周永肩吳昌壽吳昌迪等爲
虞部葉紹袁五十生辰捐資刻此
阿昆曇心論一卷計七千八百四十六字
該銀三兩九錢二分三厘唐縣比丘如渡
對朱以信書上元栢良武刻
崇禎己卯仲夏吳江接待寺識

阿毗曇心論卷第二

尊者法勝造

東晉僧伽提婆共慧遠譯

使品第四

已說諸業諸煩惱今當說

一切有根本

業侶生百苦

九十八使者

文尼說當思

譬怨不識則害成若識則得離諸煩惱亦然當知如
怨家問云何知答

一切諸使品 當知立二種 見諦所斷種

亦思惟所斷

若有使者盡見斷及思惟斷謂從見道是見斷從思惟道是思惟斷於中

說二十八結 是繫在見苦 謂當見苦時
斷滅盡無餘 見習斷當知 十九滅亦然
增三見道斷 十說思惟止

是謂九十八使已說種界今當說

第一煩惱種 在欲當知十 二種種有七

餘八見道斷

在欲界當知

四是思惟斷

謂餘在二界 是亦當分別

在欲界當知四是思惟斷者此三十六使是欲界繫謂餘在一界是亦當分別者餘六十二使於中三十一色界繫三十一無色界繫已說界諸使今當說受邊見邪見 及與吾我見 二盜應當知是煩惱說見

從因相續不識諸法性於中或有常想或有斷想斷常是二邊世尊之所說於中若見受邊是謂受邊見誹謗真實義此見是邪見若有情識類愚於中計我是謂身見有漏法受第一此見是見盜非因見因此見是戒盜此五煩惱是慧性故說見

6012345678970123456789

80123456789

欲猶豫瞋恚 慢癡說非見 是界差別故

轉行種種名

欲猶豫瞋恚慢癡說非見者欲名愛念思想於諸行中樂著猶豫名如前所見於中或思惟瞋恚名所作相違忿怒慢名自與癡名所有不識此五煩惱說非見是謂一切諸煩惱是界差別故轉行種種名者是十煩惱或從苦行或從習或從滅或從道於中若從苦行者是見苦斷如是至道餘思惟斷

下苦於一切 離三見行二道除於二見

上界不行恚

下苦於一切者下苦是欲界苦於中行一切十煩惱凡愚於欲界苦不了因見斷不了果見常謗果謗苦邪見苦受第一見盜謂法於法非因計因戒盜自見欲他見恚從見中或疑自見舉慢不了無明離三見行二者習及滅各七行身見行於現五陰習者細微不現是故於中不行滅亦如是受邊見者亦行於現戒盜行於果彼亦非習滅道除於二見者身見邊見不行於道有漏境界故戒盜者行於道似道故終竟不解至不見正道上界不行恚者如欲界分別色無色界亦爾除其恚彼中無恚意止柔軟故諸見及疑

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

非思惟所斷餘欲界四思惟所斷色界三無色界二
問云何彼緣境界答

普偏在苦因 疑見及無明 是一切種使
樂在一切中

見若斷種及見習斷疑見及無明此煩惱是普偏一
切五種行於自地所以者何一切有漏法是苦習性
問何故行於自地非他地答非境界故不行於上離
欲故不行於下是謂欲界十一一切偏煩惱色無色
界亦爾餘不一切偏自種境界故

初煩惱五種 四說爲第二 境界於上界

未離慧所說

欲界見苦斷邪見謗色無色界苦見盜受第一戒盜
受解脫方便疑惑無明不了見習斷邪見謗色無色
界因見盜於因受第一疑或無明不了如是色無色
界一切地乃至無所有處

邪疑是俱生 及不共無明 息止道二斷
當知無漏緣

見滅斷邪見謗於滅是緣滅故無漏緣如是疑惑於
滅及彼相應無明無漏緣如是見滅斷不共無明謂
不欲於涅槃彼亦無漏緣見道斷亦復如是是十八

6012345678970123456789

80123456789

使無漏緣問云何有漏種諸使所縛答

若種在欲界 一切諸偏使 緣縛於色地
在上界亦然

諸一切偏使是於自地中緣使一切種

其餘諸結使 當知自種緣 所使於自界
及是相應品

其餘諸結使當知自種緣所使於自界者一切不偏
使自於種中緣諸法卽彼所使及是相應品者一切
偏及不一切偏是一切自品中相應所使

若無漏所行 及他地緣惱 是相應所使

境界解脫故

若無漏所行及他地緣惱是相應所使者若使無漏
緣及上地緣是自品相應所使非緣使所以者何境
界解脫故此使不縛於境界無漏諸法解脫一切煩
惱上地諸法解脫下地煩惱間此使當言不善爲無
記答

已身見邊見 此相應無明 是欲中無記

色無色一切

已身見邊見此相應無明是欲中無記者欲界身見
邊見及相應無明是無記所以者何已身見數數行

若當不善者欲界衆生應無有樂多作不善故復次
若不善者相違於福此中計我人行福令我得樂不
善者相違於善是以身見非不善斷見是無常見厭
於生死是亦非不善是故非不善有常見亦不違於
善如身見是故非不善餘欲界煩惱一向不善色無
色一切者色界無色界諸使盡無記所以者何正受
所壞故不善者受苦痛報彼中無苦痛問一切諸煩
惱盡縛自所有境界爲不答

貪欲瞋恚慢 知或過去縛 未來受一切
餘二世盡受

貪欲瞋恚慢知或過去縛者謂過去愛恚慢是不必
於前一切自境界起愛者不能於前一切法中起非
以不見生故未來受一切者謂未來愛恚慢縛一切
有漏法所以者何緣一切有漏故餘二世盡受者見
疑及無明總緣一切法是故縛過去未來諸有漏法
現在使不定故不說若有者受自相彼應說如過去
已說諸使境界次第今當說

次第是轉生 自地於自地 上地亦生下
此事當分別

次第是轉生自地於自地者一切諸煩惱於自地煩

惱次第緣可得一一次第生一切上地亦生下此事當分別者梵天上命終次第生欲界一切若彼中穢汚心命終此中一向穢污心相續如是一切地已說諸使自相如此煩惱世尊教化故多種說今當分別問世尊說七使欲愛恚有愛慢見疑及無明此云何答

欲界五種欲 此說欲愛使 色無色如上有愛當分別

欲界五種欲此說欲愛使者見苦習滅道思惟斷色無色如上有愛當分別者色界愛五種無色界亦爾

恚即是恚使 五種如前說 憎慢及無明

十五在三界

恚即是恚使五種如前說者瞋恚亦如是五種憚慢及無明十五在三界者慢欲界五種色界五種無色界五種無明亦爾

見使三十六 說普在三界 疑使有十二

此七有異名

見使三十六說普在三界者欲界十二見五見苦斷二見習斷二見滅斷三見道斷色無色界亦爾疑使有十二者欲界有四見苦習滅道斷色無色界亦爾

此七有異名者此煩惱說扼受流漏問以何等故答
扼縛及受流漏一切無窮諸扼及受流

繫一切衆生故說扼受生具故說受流下一切衆生
故說流漏一切無窮故說漏已說種種相應根今
當說

諸使在三界盡護根相應隨地諸根使
相應於色有

諸使在三界盡護根相應者一切九十八使盡護根
相應諸煩惱後時依於無求而止隨地諸根使相應

於色有者梵天及光曜有喜根彼地諸使喜根相應
及護根徧淨有樂根彼地諸使樂根相應及護根
邪見及無明欲界中樂苦瞋恚疑惟苦
謂餘一向樂

邪見及無明欲界中樂苦者欲界邪見無明樂根相
應及苦邪見者作惡業爲喜淨業爲憂彼相應無明
亦爾瞋恚疑惟苦者疑憂惑爲本不決定故不喜瞋
恚亦爾謂餘一向樂者欲界餘使一向樂相應非苦
彼歡喜爲本

二熏堅著身見斷惟應意欲界諸煩惱

此根是相應

二熏堅著名諸煩惱思惟斷彼身痛相應及心痛於中身痛者樂根及苦根心痛者喜根及憂根俱有護根一切身痛思惟斷意俱有見斷惟應意者見諦斷結惟意相應欲界諸煩惱此根是相應者是謂欲界諸煩惱已分別相應根上煩惱今當說

無慚亦無愧

睡悔及與慳

嫉掉眠煩盛

故說上煩惱

此八事說上煩惱諸使是煩惱於中此上從中起此是使垢依於使問何者使垢答

一切煩惱俱 說睡及與掉 無慚不善俱
無愧亦復然

一切煩惱俱說睡及與掉者掉名於心不止息是一切煩惱相應煩惱是不止息睡雖名沉意彼亦一切煩惱相應以沉心便生煩惱無慚不善俱無愧亦復然者無慚名行惡時不慚他無愧名自惡不厭不羞此二上煩惱一向不善相應非無記

謂苦在於意 悔思惟所斷 眠惟在欲意

餘各自建立

謂苦在於意悔思惟所斷者悔名作善作惡事不成

而悔不可說是喜故一向苦相應是意憂根相應從惡行生故說思惟斷苦相應故當知是欲界眠惟在欲意者眠意閉故眠是一向欲界在意地彼於欲界一切煩惱相應一切諸煩惱行於眠時餘各自建立者謂餘二上煩惱嫉及慳嫉名見他樂生熟慳名守護惜著彼俱自建立非餘煩惱相應問諸煩惱幾識相應答

欲瞋恚無明 當知依六識 謂欲思惟斷色中隨所得

欲瞋恚無明當知依六識謂欲思惟斷者欲界思惟所斷愛恚無明六識相應色中隨所得者愛無明色界隨所可得梵天上四識彼中此二煩惱四識相應餘煩惱在意識中已說諸煩惱如所斷今當說

一時斷煩惱 而於中解脫 無量時所得

正智之所說

一時斷煩惱而於中解脫者此煩惱無礙道一時斷非已斷復斷無量時所得正智之所說者此得盡數數如欲界見斷五時得盡證自分及四沙門果如是一切如賢聖品說

欲界中解脫 聖說四斷智 離色無色界

當知五斷智

永盡無餘謂之斷智於中若欲界見苦習所斷若盡得無餘解脫是一斷智見滅斷二見道斷三思惟斷四色無色界見苦習斷一斷智見滅斷二見道斷三色界思惟斷四無色界思惟斷五問以何等故於斷名斷智答智果故說斷智如瞿曇姓中生亦名瞿曇此亦復爾問此諸使爲心相應爲不相應答相應所以者何

心爲使煩惱

障礙淨相違

諸妙善可得

當知相應使

心爲使煩惱者若使心不相應不以煩心若煩心者是故相應障礙者若使心不相應不障礙諸善法若障礙者善法不生不障礙便生是故相應淨相違諸妙善可得者若使不相應不與善相違若不與善相違者善心亦應生若不相違非是煩惱性亦不應作患若相違常相隨不生善不相隨則生善因此事故是相應使

賢聖品第五

已說使品賢聖品今當說
如此聖斷勞衆恐怖之本 等方便正智

60

1 2 3 4 5 6 7 8 9 70 1 2 3 4 5 6 7 8 9 80

今當說善聽

不停心者無能起正見是以

始自身處所 繫縛心令定 亦欲縛識足
及盡煩惱怨 是方便於身 真實相當定

諸痛及此心 法亦如是觀

此身不淨相無常相苦相無我相是相定真實彼自
身一處繫心離心亂始真實觀身相次觀痛後觀心
彼伴彼依及彼相應餘心數法觀亦諸心不相應行
如其性如其相所有如是彼身痛心法意止次第生
入法中總觀 同觀諸法相 此四是無常

空無我非樂

入法中總觀同觀諸法相者入法意止中彼聖總觀
諸行相觀諸行相已增長養心生無垢智眼一切身
痛心法總觀問云何答

此四是無常 空無我非樂

此身痛心法展轉相生故無常不自在故空非主故
無我惡災患故苦

從是名暖法 卽是意中生 行是十六行

正觀四真諦

從是名暖法卽是意中生者彼如是觀生善暖於中

當生無漏智火能燒一切行薪問彼何行何境界答
行是十六行正觀四真諦彼行是十六行境界四真
諦四行觀苦諦此苦性劣從因緣生故無常無常力
所壞故苦內離人故空不自在故無我四行觀習此
習成相似果故因行相續故習一切生死無窮可得
故有不相似事相續故緣四行觀滅此滅覆一切患
盡故滅除一切煩惱火故止勝一切法故妙捨生死
故離四行觀道此道至非品故道非顛倒故如一切
聖所履故迹生死患轉出故乘是謂彼行十六行境
界四真諦善根謂之暖法

彼起已成立 生頂及于忍 得世第一法

依倚於一相

彼起已成立生頂及于忍者若已成暖法於中復於
欲界生善根如頂亦十六行觀四真諦勝暖法故說
頂已增上頂生善根名爲忍亦十六行觀四真諦堪
任故說忍若忍已成立得世第一法依倚於一相一
切世俗功德中最勝生善根名世間第一法開涅槃
門故於凡夫意中最勝故說第一法問以何等故說
依倚於一相答於凡夫意中更無有比二功德若有一
者彼亦應開涅槃門而不開是故說依倚於一相問

60 1 2 3 4 5 6 7 8 9

70

1

2 3 4 5 6 7 8 9

80

1 2 3 4 5 6 7 8 9

彼幾行何緣何地所攝答

彼行苦四行 說攝依六地

彼行苦者彼卽緣苦諦非餘四行者謂行苦諦境界無常爲首所以者何如初無漏心緣彼亦復爾說攝依六地者彼法攝於六地未來禪中間禪根本四禪非欲界不定界故非無色界無見道故問餘善根何地所攝答

忍亦攝六地 餘則依於七

忍亦攝六地者諦順忍六地所攝如世間第一法餘則依於七者暖及頂七地所攝此六及欲界未除欲

欲界已除欲色界

世第一法次 必興起法忍 忍次生於智

俱觀於下苦

世第一法次必興起法忍者世間第一法次第生無漏法忍名苦法忍彼未曾觀今觀時堪任故曰忍是謂初無漏無礙道忍次生於智者彼次第生苦法智同境界受真實性解脫道問彼忍及智何緣答俱觀於下苦下苦者欲界苦彼同緣

上苦亦如是 因滅道亦然 是正觀諸法
說十六淨心

上苦亦如是者上苦是色無色界苦彼亦如是生忍無礙道智解脫道苦未知忍及苦未知智因者是習諦彼亦如是生四道如苦習法忍習法智習未知忍習未知智減者減亦如是生四道滅法忍滅法智滅未知忍滅未知智道亦然者道亦如是生四道道法忍道法智道未知忍道未知智是正觀諸法說十六淨心者是見法見法者謂之正觀是見異名

從法行利根此在十五意從信行當知

鈍見亦在中

從法行利根此在十五意者彼十五心項若利根是說從法行從信行當知鈍見亦在中者卽彼十五心項若鈍根是說從信行

未離欲界欲趣向於始果捨六趣至二

三向九無漏

未離欲界欲趣向於始果者彼從信行及從法行趣沙門果時若未離欲俱趣須陀洹果捨六趣至二者欲界煩惱九種微微中微上中微中中上上微微上中上上彼若凡夫時已離六種彼於後若趣證是俱趣第二果三向九無漏者若已離九種是俱趣阿那含果

論語

附錄卷之二

卷之二

卷之二

若至十六心 是名住於果 信解脫輒見
見到說利見

若至十六心是名住於果者十六心名道未知智心相應彼生已說住於果未曾離欲界欲俱須陀洹已曾離六品俱斯陀含盡離九品俱阿那含信解脫輒見見到說利見者若彼趣時從信行鈍根是信解脫若彼從法行利根是見到

未盡思惟斷 極生生死七 家家有三盡
俱在道迹果

未盡思惟斷極生生死七者彼信解脫及見到未離

欲界思惟所斷煩惱是生生死七彼有天上七生及人中故說極生生死七家家有三盡者若三種盡上微上中上是說家家彼天上及人中或生二家或生三家後般涅槃故說家家俱在道迹果者極七有及家家當言俱住須陀洹

六盡一往來 離八謂一種 九滅盡不還
已出欲汚泥

六盡一往來者若有六種盡上三中三是斯陀含彼餘一生天上一生人中一往來已般涅槃故說斯陀含離八謂一種者若八品盡是一種彼餘惟一生無

論語

附錄卷之二

卷之二

餘故說一種九滅盡不還者若一切九品盡是阿那含彼不復來欲界故說阿那含所以者何已出欲污泥

如是九煩惱 若在上八地 彼雙道所滅

世尊之所說

如是九煩惱若在上八地者如欲界九種煩惱輒輒至上上上界亦如是八地中梵世光曜徧淨果實無量空處無量識處無所有處非想非非想處彼雙道所滅世尊之所說者此一切煩惱欲界及色無色界雙道所滅以無礙道滅解脫道得證問此道爲世俗

爲無漏答

有垢無垢道 俱能離八地 住中說身證

謂獲滅盡定

欲界地一色界地四無色界地三亦世俗道滅亦無漏凡夫從世俗道尚得遠離況復賢聖住中說身證謂獲滅盡定者住於八地無欲中謂學得滅盡定是身證所以者何法似涅槃身所觸故說身證

金剛喻定次 必逮得盡智 生意我生盡
離於一切漏

金剛喻定次必逮得盡智者金剛喻定名非想非非

想處離欲時第九無礙道最後學心於中一切諸煩惱永盡無餘一切聖行畢竟故說金剛喻三摩提此次第生盡智最初無學智生意我生盡離於一切漏者彼生定意我一切生盡彼於爾時無著解脫於一切漏問無著有幾種答

無著有六種 是從信生五 逮得於二智

當知時解脫

無著有六種者世尊說六無著退法念法護法等住必昇進不動法於中若輶智及輶進是得退具便退故說退法輶智及輶進數數惡身惡身已念壞故說念法輶智而廣進進力常自護心故說護法中智及等進是不壞不損等住於中道故說等住少利而廣進彼必得不動故說必昇進利智及廣進是始得不動故說不動是從信生五逮得於二智者於中五曾從信行彼有二智盡智及無學等見當知時解脫者彼當知時解脫是求時不能一切時隨所欲學善

不動法利根 是不時解脫 獲得於三智
成就等解脫

不動法利根是不時解脫者謂一向利根是不動法彼不時解脫能一切時隨所欲學善不求時獲得於

三智者彼有三智盡智無生智無學等見成就等解脫者謂此五無著時解脫是成就等意解脫謂不動法是成就不動解脫

慧解脫當知 不得滅盡定 惟有俱解脫
成就滅盡定

慧解脫當知不得滅盡定者此六無著若不成就滅盡定是說慧解脫是慧力解脫非定力惟有俱解脫成就滅盡定者此六無著若得滅盡定是說俱解脫彼俱力解脫慧力及定力已說賢聖人法今當說

從信行諸法 及從法行法 聖道見諦道

是盡同一相

從信行法從法行法是說見道

於中諸根法 是名未知根 謂餘有學法

佛說已知根

於中諸根法是名未知根者於見道法中謂根根數如心及痛信等五根是未知根謂餘有學法佛說已知根者離見道學法諸餘學法中卽彼根說已知根當知無知根 在於無學中 已得果便捨

前道應當說

當知無知根在於無學中者無學法中卽彼根說無

論

內田學記

卷一

卷八

知根已得果便捨前道應當說者此無漏法昇進得
果時捨無礙道所攝及解脫道

已盡爲解脫 得攝於一果 不穢汚第九

滅盡應當說

已盡爲解脫得攝於一果者無礙道至解脫道於其中間得煩惱盡但得果時一切煩惱盡得一解脫果不穢汚第九滅盡應當說者說諸煩惱九種道所滅但不穢汚第九無礙道一時斷不漸漸

若有相似名 彼能獲不動 無著及信脫

彼同性增道

若有相似名彼能獲不動者謂無著不能一切得不動惟必昇進得彼是相似名無著及信脫彼同性增道者謂信解脫一向性必昇進是增益諸根逮得見到非餘問云何知漸漸見諦答

建立功德惡 次第見真諦

非以見功德時見惡亦不以見惡時見功德亦非初總觀彼惡亦非一時一切獸亦非總功德諸功德亦非一時合是以建立功德非次第見真諦問云何知有爲無爲果答以無礙道力得有爲無爲果無礙道力得有爲果及無爲果是故以無礙道力得有爲無

60

5 6 7 8 9 80 1 2 3 4 5 6 7 8 9

爲果

阿毗曇心論卷第一

音釋

誹謗

誹府尾切非議
謗補曠切訕也

也。忿，敷粉切。扼，於革切。與輒同。

三

卷之三

1

阿毗曇心論卷第三

尊

者

法

勝

造

東
二

僧

波

三

譯

智品第六

智慧性能了。明觀一切有，有無有涅槃。

賢聖品已略說有無有境界今當說
三智佛所說 最上第一意 法智未知智
及世俗等智

此三智攝一切智於中法智名謂境界於欲界苦習

論語

南師慧心錄卷二

卷二

五九

滅道無漏智境界是初受法相故曰法智從法智根現見已非根現亦見未知智未知智名謂境界色無色界苦習滅道無漏智境界是後受法相故曰未知智等智名謂有漏智是多取等諦知男女長短爲首苦習息止道 二智如可得 此名與四智解脫師所說

此二智法智未知智若行於諦如是相似名所說苦諦境界說苦智習諦境界說習智滅諦境界說滅智道諦境界說道智解脫師所說也

若智觀他心 是從三中說 盡無生智二

境界在四門

若智觀他心是從三中說者他心智謂有漏境界是等智境界欲界道是法智境界色界道是未知智盡無生智二者無學二智盡智無生智於中所作已竟受無學智是盡智不復更作受無學智是無生智是亦法智未知智問盡智無生智何諦境界答境界在四門此二智四諦境界苦習滅道已說十智行今當說

二智十六行 法智未知智 如是行或非
是說爲等智

二智十六行法智未知智者法智性是十六行四行受苦四行習四行滅四行道未知智色無色界亦爾如是行或非是說爲等智者暖頂忍第一法中攝等智行無漏行二諦所攝十六行第一法攝四行聞思及餘思惟等智十六行離此餘等智非十六行謂施戒慈如是比

四智有四行 決定行所說 正觀他心智
此或是或非

四智有四行決定行所說者苦智四行如上說習滅道智亦如是正觀他心智此或是或非者無漏他心

智四行如道智有漏非

盡智無生智 離空無我行 說有十四行
受相爲最勝

盡智無生智離空無我行說有十四行者盡智無生智十四行除空無我行所以者何彼行等誦我已作不復更作空無我者不以此行受相爲最勝者非一切無漏智在十六行十六行者是總行更有無漏智受十六相如身意止是自相智不在十六行前受十六行此自相行於諸無漏智前受故勝已說十六行如此智所得今當說

第一無漏心 或有成就一 二或成就三
於上增益一

第一無漏心或有成就一者第一無漏心苦法忍相應未離欲成就一等智已離欲成就他心智二或成就三者第二無漏心苦法智相應未離欲成就三法智苦智等智已離欲成就他心智於上增益一者於上四時中增說一四時得苦未知智得未知智習法智得習智滅法智得滅智道法智得道智忍中不得智問此智何地所攝答

九智聖所說 依倚於上地 禪中有十智

無色地中八

九智聖所說依倚於上地者未來禪中間禪無他心智根本禪攝故禪中有十智者根本四禪中有十智無色地中八者無色地中有八智除法智他心智法智者境界於欲界不以無色境界於欲界他心智行乘色無色地中無色已說地修今當說修有二種得修行修得修者謂功德未曾得而得得已諸餘功德彼所倚亦得得已後時不求而生行修者謂曾得功德今現在前行問此諸智云何修答

若已得爲修 智者諸聖見 彼卽當來修

論

卷之三

四

魏

諸忍亦如是

若已得爲修智者諸聖見彼卽當來修者見諦道中謂智現在前修卽彼當來修法智乃至道智諸忍亦如是者忍亦如是苦法忍現在前修卽苦法忍當來修非智非餘忍如是一切

是於三心中 得修於等智 或修七或六
最後心所說

是於三心中得修於等智者卽見諦道中三心頃當來修等智苦未知智習未知智滅未知智行此三諦時得修等智所以者何此三諦習已觀非道諦謂地見道卽彼地等智及欲界或修七或六最後心所說者道未知智離欲修七智謂阿那含果所攝未離欲修六智除他心智彼中非想非非想道得沙門果是以不修等智

十七無漏心 於上思惟道 當知修於七
六修增益根

十七無漏心於上思惟道當知修於七者須陀洹果上思惟道十七心頃修七智此道未來禪所攝是以無他心智盡智無生智是無學智以故無餘七智必修所以者何彼意此功德常不空若不修者曾得已

捨復未更得於其中間應空而不空是以必修六修
增益根者增益根名謂信解脫增益諸根逮得見到
彼有九無礙道九解脫道是一切無礙道一切解脫
道修六智此說未離欲是以無他心智爾時學道不
學斷煩惱彼未曾得修功德非已曾得是以不修等
智

得不還果時 遠離於七地 思學諸通道

解脫修習八

得不還果時者若得不還果修八智彼中要得根本
禪是以修他心智餘智如前說遠離於七地者四禪
三無色離欲時一切九解脫道修八智於中一切修
下地禪思學諸通道解脫修習八者三通如意足天
眼天耳一切九解脫道修八智所以者何歸根本禪
故

此無礙道中 及滅第一有 彼八解脫道 說者修習七

七地離欲時一切無礙道中修七智除他心智所以
者何此無礙道修滅結習他心智非滅結以故不修
非想非非想處第一有彼離欲時八解脫道中修七
智除等智所以者何等智於非想非非想處轉還以

非敵故

離於第一有 六修無礙道 乘上應當知
修習於下地

離於第一有六修無礙道者第一離欲時九無礙道
中修六智除他心智及等智乘上應當知修習於下
地者此修一切地當知修自地諸智及下地所攝謂
依初禪離欲彼修二地功德自地所攝及未來禪如
是至無所有處

漏無漏一切 諸地修功德 初無學心中
此未知智慧

漏無漏一切諸地修功德初無學心中者得無著果
時九地及自地亦一切諸地於中修所以者何非想
非非想處地煩惱相違一切地有煩惱意不明淨無
煩惱意明淨是以離彼修一切間此無學初心何智
相應答此未知智慧是初無學心未知智相應彼作
是念我生已盡是非想非非想處生緣所以者何最
後盡故是以苦未知智相應問又世尊言見智慧此
三爲一種爲種種答此是慧之差別慧性所有但以
事故世尊或說見或說智問此義云何答

謂決定能知 諸忍非智性 盡智則非見

無生智亦然

謂決定能知諸忍非智性者修行八忍能求故見能視故慧但非智不決定故所以者何用始緣故盡智則非見無生智亦然者盡智無生智視故慧決定故智但非見不求故無所爲故餘無漏慧種三性所有見智及慧

善俗有漏智 在意及諸見 當知此則見
說一切是慧

善俗有漏智在意及諸見當知此則見者意識地中善有漏慧三性見智及慧五見煩惱性此見所有觀

察故亦不離智及慧餘有漏慧種非見性所有所以者何無記意識相應慧種非見性所有不觀察故穢污慧種亦非見性所有煩惱所壞故五識相應慧種亦非見性所有不觀察故亦不離智性說一切是慧者謂前所說離如忍中離智盡智無生智離見除善意識地及五見已餘有漏慧離見慧不如是所以者何一切智種一切見種即是慧種故問一一智幾智緣答

法智未知智 晓了於九智 因智及果智
是二智境界

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法智未知智曉了於九智者法智觀九智緣九智除
未知智所以者何未知智者非欲界果非欲界因非
欲界滅非欲界道未知智亦如是九智緣除法智因
智及果智是二智境界者智是因智彼有漏他心
智及等智緣同習故餘非緣無漏故苦智亦如是此
卽果智

道智是九智 解脫智無緣 餘一切境界

決定智所說

道智是九智者道智境界九智不緣等智有漏故餘
盡緣同道諦故解脫智無緣者解脫智是滅智非緣

智緣無爲故餘一切境界決定智所說者餘有四智
緣一切十智等智緣十智境界一切法故他心智亦
緣十智具他心境界故盡智無生智亦緣十智一切
有爲境界故問又世尊言未知智如離非想非非想
處得無著果未知智是彼道非以此可知未知智是
彼道非餘耶答亦有法智是色無色界道問何者答
若息止及道 法智之所行 是滅於三界
非欲未知智

若息止及道法智之所行是滅於三界者謂滅法智
及道法智在思惟道是滅於三界結或有法智離色

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

無色界欲謂此重見惡是於欲界思惟滅及道離色無色界欲非苦智非習智所以者何不同苦習同於滅道故問頗有未知智滅欲界不答非欲未知智無有未知智能滅於欲界所以者何無彼重見惡而非此問神通智性所有彼亦應當說一一幾智答

如意足等智

天眼耳亦然

六於宿命中

五說他心智

如意足等智天眼耳亦然者如意足說等智天眼天耳亦如是無漏智不以此行六於宿命中者宿命通有六智法智憶法智分未知智憶未知智分等智憶

俗苦智憶過去苦習智憶過去習道智憶過去道五說他心智者他心智通有五智法智知他心中法智及彼相應心心數法未知智亦如是等智知他俗心心數法道智知他無漏心心數法他心智五

九智漏盡通

聖人之所說

八境界於身

法十九智二

九智漏盡通聖人之所說者漏盡通無漏九智一切漏相違故問又世尊言身身觀意止觀者是慧此意止何智性所有答八境界於身八智觀身色假名爲身是八智所知除他心智及滅智若智綠色者是身

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

意止此二智不緣色法十者法意止有十智離色痛心餘法謂法是境界有十智自相境界及一切總智是法意止九智二者痛及心九智除滅智謂智緣痛是痛意止謂智緣心是心意止問諸如來有智力云何如來力施設智及如來四無所畏智性所有如所說我等正覺此諸法未等正覺不見此相如是一切此亦應當分別一一幾智性所有答

是處非處力 及無畏第一 此是佛十智
餘此中差別

是處非處力及無畏第一此是佛十智者佛有十智

是處非處力是處智名受諸法真實相真實行受知此法如是相如是行是謂是處智非處智名諸法他相他行不可得則知非此法如是相如是行是名非處智是佛十智初無畏亦十智等正受故餘此中差別者是處非處力差別有十力初無畏差別有四無所畏處非處智是境界差別故十種分別初無畏亦境界差別故四種分別問四辯亦智性所有此亦應當分別一一幾智答

法辯辭辯一 應義辯俱十 願智是七智
智最勝所說

60123456789

70

89

法辯辭辯一者法辯名覺諸法名是等智非以無漏智受名世俗中名是假號無漏智不以此行辭辯名覺正說此亦等智是俗中假號應義辯俱十者應辯名觀及現無所呈礙方便智是十智義辯名覺諸法真實彼亦十智受真實相故

經師云辭應二辯應一等智法義二辯十智

問願智有幾智答願智是七智智最勝所說願智有七智除他心智盡智無生智願智者利捷疾境界於三世受一切諸法是七智性所有

其人云一等智

定品第七

問如是知諸智此智當云何答

智依於諸定 行無呈礙行 是以思惟定

欲求其真實

智依於諸定行無呈礙行者如燈依油離風處光燄甚明如是智依於定意離諸亂智光甚明必定無疑惑於緣是以思惟定欲求其真實

決定說四禪 及與無色定 此中一一說

雜味淨無漏

決定說四禪及與無色定者有八定四禪及四無色定此中一一說雜味淨無漏者初禪有三種味相應淨無漏如是一切諸定問云何味相應云何淨云何

無漏答

善有漏是淨 無熱謂無漏 氣味愛相應
最上無無漏

善有漏是淨者謂善是淨故說淨無熱謂無漏者煩惱假名熱謂定無煩惱是無漏氣味愛相應者謂禪無色定受相應是以具足共相應共行是說味相應最上無無漏者最上非想非非想處彼中無無漏不捷疾行故是有二種餘各三種問禪何性所有答

五支有覺觀

亦復有三痛

若干種四心

謂之是初禪

五支者謂五支攝受初禪令堅固亦從此得名覺觀喜樂一心覺名當入定時初生善功德始麤心思惟觀名令心細相續相連喜名於定中悅樂名已悅於身心中安隱快樂一心名於緣中心專不散此種住定時是支及受時捨時是故五支初禪有覺觀者有覺有觀卽是初禪問以受五支今覺觀何用答支者謂善是於五支中說穢污及無記亦有覺有觀而不是善亦復有三痛者初禪有三痛樂根喜根護根於痛中樂根是身痛喜根是意地護根在四識若干種者梵世中若干種有上有下是說具足生處四心者

論語

正義卷第

卷第

初禪有四心眼識耳識身識意識謂之是初禪者此一切諸法謂是初禪已說初禪第二禪今當說

二痛若干種 二禪有四支 五支是第四

此禪說二痛

二痛者第二禪有二痛喜根及護根若干種者於中身有若干種已離覺觀有若干心或時入喜根或時入護根但喜是根本邊有護根二禪有四支者第二禪有四支內淨喜樂一心內淨名是信於離中生信已得初禪離便作是念一切可離餘支如前說此種於第二禪是支五支是第三者第三禪有五支樂護

念智一心樂者意識地中樂根護者已樂於樂不求餘其人云護雖有義不應立支也念者是護方便不捨智者不令樂一心者定此種於第三禪中是支此禪說二痛者第三禪有三痛樂根及護根樂根是根本護根是邊離息入息出 第四有四支 此支謂說善亦復分別種

離息入息出者息入者來息出者去是第三禪中無所以者何彼由定力故身諸毛孔合第四有四支者第四禪有四支不苦不樂護淨念一心永離苦樂不苦不樂餘如前說問何禪是支相應答此支謂說善

善禪支相應支非穢汚亦非無記亦復分別種者謂種隨處已說當知是餘處不應有如初禪有覺有觀四心說此種餘一切地無第四禪離息入息出是三中無不應說已說四禪四無色定謂餘今當說問如世尊言有根本依若未離欲未有根本依而有無漏功德是無漏功德何地所攝答未來禪所攝又世尊所說有三定有覺有觀無覺少觀無覺無觀於中初禪是有覺有觀第二禪是無覺無觀謂無覺少觀定是何地所攝答是中間禪所攝是未來禪中間禪相今當說

相應有覺觀

俱在未來禪

觀相應中間

明智之所說

相應有覺觀俱在未來禪者未來禪中有覺有觀觀相應中間明智之所說者中間禪少有觀而無覺彼漸漸心息止

無依而二種

除其味相應

中禪有三種

俱爲說一痛

無依而二種除其味相應者未來禪一向善有漏及無漏有漏者淨無漏即無漏中禪有三種者中間禪有三種味淨無漏生死居故俱爲說一痛者未來禪

及中間禪俱有一痛護根非根本地故已說諸定餘功德於中攝今當說

三摩提有通 無量修一切 除入及諸智
解脫於中起

三摩提者三三摩提空無願無相無漏心繫縛故有通者有六通如意足智天耳智他心通智憶宿命智生死智漏盡通智無量者四無量慈悲喜護無量衆生境界故曰無量修一切者十一切入地一切入水火風青黃赤白一切入無量空處一切入無量識處一切令盡具解故一切入除入者八除入內未除色

想不淨觀少境界一無量境界二除色想少境界三無量境界四復除色想青黃赤白觀除入除淨境界故故曰除入及諸智者諸智有十如前說解脫者八解脫未除色想不淨思惟一除色想不淨思惟二淨思惟三四無色及滅盡定境界背不向故說解脫於中起者此諸功德九地中可得及於中起其人云應十地已說諸功德隨地可得今當說

一慧悲及護慈亦有五通 說偏四禪中
六中有現智

一慧悲及護慈亦有五通說偏四禪中者一慧謂他

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

論

附錄卷之三

心智三無量及五通是一切功德根本四禪中非餘六中有現智者現智是法智六地中有根本四禪未來禪中間禪

除入中說四 於中亦有喜 初解脫及二
功德初二禪

前四除入喜等初第二解脫此功德初第二禪中非
餘

除入謂有餘 及與解脫一 亦八一切入一

佛說最上禪

後四除入淨解脫前八一切入是功德第四禪中非

餘

餘脫卽名說 二一切亦然 滅盡最在後

餘九謂無漏

餘脫卽名說二一切亦然者餘四解脫自名所說及二一切入亦如是無量空處解脫無量空處一切入於無量空處中所攝如是至非想非非想處滅盡最在後者滅盡定非想非非想處所攝所以者何謂未來離彼欲亦入餘九謂無漏者謂餘無漏法九地所攝如三三摩提七智漏盡通是九地所攝四禪三無色未來及中間等智是十地所攝此亦非想非非想處

論

附錄卷之三

七

卷之三

論

附錄卷三

其

卷九

可得以定數故問此功德幾有漏幾無漏答

三解脫當知 有漏及無漏 定智已分別

謂餘盡有漏

三解脫當知有漏及無漏者無量空處無量識處無所有處解脫是有漏無漏定智已分別者定如契經品說無漏智及諸通如智品說謂餘盡有漏者餘一切功德一向有漏如三通威儀法故色聲受相故無量衆生緣故一切入意解希望故三解脫亦如是非想非非想處非捷疾行故想智滅離覺觀故除入亦意解希望故已說諸功德相成就今當說

未能度於欲 成就味相應 度下未至上

成就淨諸定

未能度於欲成就味相應者謂地若未離欲於彼地成就味相應度下未至上成就淨諸定者謂離欲界欲若未生梵世上地彼成就淨初禪及初禪地有漏功德如是一切盡當知

住上應當知 無漏成就禪 求得諸功德
知非無欲中

住上應當知無漏成就禪者謂離下地欲彼住上地亦成就下地無漏如見諦離欲住梵世上地成就無

漏初禪及初禪地定等諸無漏功德如是一切盡當知世俗功德繫在隨生處無漏在斷中是以離生處捨有漏功德不捨無漏求得諸功德知非無欲中者已說離下地欲成就上功德當知非一切功德離欲時得如意足智天眼智天耳智無記性所有故及滅盡定此功德求得非離下地欲時得已說成就因緣今當說定種有二十三八味無相應八淨七無漏問此一一種幾種因答

妙無漏無染 七種謂之因 淨味相應禪

當知因有一

妙無漏無染七種謂之因者一一無漏七種自然因自地相應因共因淨味相應禪當知因有一者味相應初禪於味相應初禪因非因非善因不相似故非餘地穢汚因行相違故淨初禪於淨初禪因非穢汚因不相似故非無漏因亦不相似故非餘地淨因自地果報故及自地繫縛故如是一切盡當知已說因緣次第緣今當說問一一次第生幾種答

無漏禪次第 與起六種禪 七八九有十
起禪亦空定

無漏初禪次第生六種自地淨及無漏如是第二第

60123456789

70123456789

80123456789

論

阿彌陀經疏

加

瑟

三禪無漏無所有處次第生七自地二下地四上地
一無漏第三禪次第生八自地二下地二上地四無
漏無量識處次第生九自地二下地四上地三餘無
漏次第生十自地二下地四上地四

淨六有七八九十生十一者淨非想非非想處次第
生六自地味相應及淨下地四淨無漏無所有處無
量識處非味相應離欲故如是一切盡當知一切自
地味相應味相應諸禪興二乃以十者味相應禪次

興二乃以十

淨六有七八九十生十一者淨非想非非想處次第
生六自地味相應及淨下地四淨無漏無所有處無
量識處非味相應離欲故如是一切盡當知一切自
地味相應味相應諸禪興二乃以十者味相應禪次

第生二自地味相應及淨不生餘各各相違故如是
一切自地二下地一淨其人云不應有下地一淨一切味相應死
時生已說次第緣緣緣今當說問一一幾種緣答

淨以無漏禪

必緣一切地 穢汚相應禪

獨緣於已地

淨以無漏禪必緣一切地者淨及無漏禪一切地緣
一切種穢汚相應禪獨緣於已地者味相應禪緣於
自地味相應禪及淨非無漏愛無漏緣亦不樂於
他地

無色無有力

緣下有漏地 善有根本地

論

阿彌陀經疏

加

瑟

論

卷九

穢汚如味禪

無色無有力緣下有漏地者無色定不能緣下地有漏法極寂靜故問何謂無色不能緣下地有漏法答善有根本地淨及無漏根本無色是自地緣及上地非下地緣穢汚如味禪者如味相應禪說無色亦然謂餘於色界 無量等功德 是必欲界緣

世尊之所說

謂色界餘功德如無量等一切入除入及解脫惟緣欲界緣無量苦衆生青等諸色此則欲界所以者何神通二界緣故問世尊所說熏禪是云何答熏一切

四禪無漏者熏有漏是無漏力故受淨居果報問若一切四禪熏者以何等故下三禪中無淨居果答

若能熏諸禪 是依第四禪 三地愛盡故

淨居果實中

若得第四禪是能熏禪第四禪者先熏餘者後謂得第四禪離三禪欲以是故下地無有淨居果實中有問世尊言有願智是云何答

無著性不動 是得一切定 彼由定力故
能起頂四禪

於中若彼意生功德願智不諍辯首諸功德願智者

如所願入定或過去或未來或現在或有爲或無爲
是一切盡知不諍者欲令他意不起諍便不起辯者
諸法義及味決定無疑不罣礙無所畏問是願智不
諍及辯何地所攝答

三地有願智 無諍依五地 法辭辯依二

二辯依於九

三地有願智者願智三地所攝第四禪初禪及欲界
入第四禪知初禪及欲界說無諍依五地者無諍五
地可得根本四禪四及欲界欲令一切不諍法辭辯
依二者法辯名緣味是欲界及梵天世非上地離覺
初禪眷屬故問云何得此定答

斷欲亦復生 而得於淨禪 穢污退及生
無漏惟斷欲

斷欲亦復生而得於淨禪者淨初禪二時得離欲時
及上地沒生梵天世如是一切盡當知穢污退及生
者穢污味相應是退時得若欲界及梵天世纏退於
爾時得味相應初禪生時得者若上地命終生欲界

及梵天世於爾時得味相應初禪如是一切盡當知無漏惟斷欲者無漏惟斷欲時得謂聖得離欲於爾時得無漏初禪如是一切盡當知問此功德誰能斷煩惱答

無漏除煩惱 亦復定中間 一切定中間

相應於護根

無漏除煩惱者無漏初禪八地除煩惱如是一切盡當知亦復定中間者定中間名謂下地除欲以方便道故終不得根本地至未得離欲餘不能除一切定中間相應於護根者一切定中間護根相應終不得喜至不得義問變化心有幾謂有如意足能變化答八四禪果欲界四禪果初禪地問彼誰成就答

下地變化意 成就彼種果 若合三種心

上地應當說

下地變化意成就彼種果者謂若成就禪是成就彼果下地變化心問如說初禪有四心住於上地欲聞欲見彼云何見聞答

梵世地識現在前問彼幾時成就答若合三種心上地應當說若時彼識現在前若眼識若耳識若身識爾時成就彼識若不現在前卽滅爾時不成就

60

0 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

阿毗曇心論卷第三

論

阿毗曇心論卷第三

三

五

吳江縣居士沈自南
沈初馨顧宗璵葉舒初等爲
虞部葉紹袁五十生辰捐資刻此
阿毘曇心論一卷計七千四百二十字
銀三兩七錢一分唐縣比丘如渡對
孫陵朱以信書上元柏良楷刻
崇禎己卯仲夏吳江接待寺識

阿毗曇心論卷四

尊者勝造
東晉僧伽提婆共慧遠譯

契經品第八

已說定品契經品今當說

一切智所說 契經微妙義 此吾今當說

宜應善心聽

雖有一切阿毗曇契經義然諸契經應具分別今當說世尊說三界欲界色界無色界問此云何答欲界十居止 色界說十七 無色中有四

論

阿毗曇心論卷四

一

卷四

60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9 80 1 2 3 4 5 6 7 8 9

三有亦復然

欲界十居止者此欲界十居止地獄畜生餓鬼人六欲天四天王天三十三天燄摩天兜率陀天化樂天他化自在天是衆生起欲想此處所中若可得物盡姪欲所有是以說故界問色界云何答色界說十七色界說十七者居止梵身梵富樓少光無量光光曜少淨無量淨徧淨無量受福果實無想衆生不煩不熱善見善現色究竟此處所不起欲想但成極妙色非男非女形是故說色界無色中有四者無色界四居止無量空處無量識處無所有處非想非非想

處此處所無色彼離色欲是以說無色界問世尊說三有欲有色有無色有此云何答三有亦復然謂前三界分別卽是三有問如世尊所說七識住是云何答

善趣是欲界

及色界三地

無色亦如是

慧知諸識住

此欲界中若趣善數如人及六欲天色界前三地無色前三地初禪地上二禪地三二禪地上三禪地三三禪地上四禪地九於中前三地及無色前三地是說七識住何以故不壞識故惡趣中苦痛壞故不得

60123456789

70123456789

立識住第四禪無想定壞故亦不得立識住非想非
非想處滅盡定壞故不得立識住是故不說

第一有無想 衆生居說九 諸有漏四陰，

是說四識住

第一有無想衆生居說九者此七識住及無想衆生
非想非非想處是說九衆生居於中衆生居止是故
說衆生居諸有漏四陰故說四識住者有漏色痛想
行若識相續有此伴是故說識住問世尊說十二支
緣起此亦應當說相答

諸煩惱及業 有體漸漸生 是名說有支

衆生一切生

於中煩惱是無明愛取名說業者行及有名說體者
餘支是一切衆生漸漸生依體立煩惱煩惱所作業
業所作體是故十二種分別問此支爲一時行爲漸
漸答非一時十二若陰說十二支無明爲首

彼是次第立 受於生死中 過去及未來

處中說於八

彼有支次第立於中前生時一切煩惱共有及伴說
無明由此故造業業造果是行彼生種子心是識彼
共生四陰相續是名色於中所依眼爲首諸根是六

入根境界心和合是更樂更樂所生受是痛痛所著
是愛痛具所煩勞是受彼所勞造業是有於中更受
果是生彼生中無量起災害是老死如是此有支一
切生中二攝過去世二未來八現在生中攝問世尊
說六界此云何答

諸大謂有四 及與有漏識 亦色中間知
是界說生本

諸大謂有四及與有漏識亦色中間知者四大地水
火風有漏識及色中間可知謂眼所受此六法說界
問以何等故於衆多法中說六界答是界說生本是
說四聖諦此相云何答

諸行若有果 有漏是說苦 若有因是習
苦盡謂之滅

諸行若有果有漏是說苦者一切有漏行從因中生
亦作一切苦患是故一切行說苦諦若有因是習者
一切有漏行說因是以一切行說習諦如一女亦說
母亦說女前後故如是有漏行亦說苦諦亦說習諦

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

已生當生故苦盡謂之滅者一切有漏行滅休息止謂之滅諦

若有無漏行 是說爲道諦 彼爲二事故
見著則知微

若有無漏行是說爲道諦者一切無漏行說道諦何以故休息苦時盡是道故問何以故說說諦答彼爲二事故二事說諦自相真實非顛倒及見彼得非顛倒意問如前因後果以何等故世尊前說果後說因答見著則知微聖諦雖有前習後苦先修道後得滅但應前見苦諦後見習諦如是應先見滅諦後見道諦

何以故苦麤習細滅麤道細是故世尊先說苦諦後說習諦先說滅諦後說道諦問世尊說四聖沙門果此幾種答

聖果有六種 最勝在九地 第三在六地

二俱依未來

聖果有六種者六種四沙門果無漏五陰及數緣滅問四沙門果何地所攝答最勝在九地最勝是無著果是九地所攝根本四禪三無色未來及中間第三在六地者不還果六地所攝具足四禪未來及中間第非無色以無法智故二俱依未來者須陀洹果及斯

論

阿彌陀經疏

五

卷十

陀含未來禪所攝以未離欲故問世尊說四道苦非速道苦速道樂不速道樂速道此何相答

從信行諸法 無煩惱遲想 從法行諸法

無煩惱速想

從信行諸法無煩惱遲想者從信行無漏法是非速鈍根輩所攝是遲若受此當知信解脫時解脫亦受同鈍根故從法行諸法無煩惱速想者從法行無漏法利根輩所攝是速若受此當知見到不時解脫亦受同利根故

根本禪地中 知假名樂想 小及難得故

餘皆是苦想

根本禪地中知假名樂想者根本四禪中利根及鈍根法說樂道何以故止觀等道故及樂行故小及難得故餘皆是苦想者餘地攝無漏是苦想所以者何以小故未來禪中間禪止道小無色中觀小是故極苦一向難得及小故說苦問世尊說四不壞淨於佛不壞淨於法僧聖戒不壞淨此云何答

自覺聲聞法 解脫亦餘因 清淨無垢信

聖戒及決定

自覺聲聞法解脫亦餘因清淨無垢信者自覺是佛

論

西門學記卷四

六

卷四

彼佛無著果所攝無學功德是佛法於此法若無漏信是說於佛不壞淨已取正證聲聞彼學無學功德是說聲聞法於此法若無漏信是說於僧不壞淨涅槃中無漏信及餘有爲法如苦諦習諦信菩薩無漏功德信學無學辟支佛法信是說於法不壞淨聖戒者無漏戒是說於戒不壞淨問以何等故不壞淨一向無漏非有漏答及決定此是決定從正見中生故無漏信無漏戒定無漏有漏信者爲不信所壞有漏戒者爲非戒所壞是以不決定無漏不壞至後生是以決定故不壞淨一向無漏問世尊說修定有四有

修定於現法中得樂居有修定得知見有修定分別慧有修定得漏盡此何相答

初禪若有善 說現法是樂 若知於生死
是說名知見

初禪若有善說現法是樂者淨及無漏初禪能得現法樂居若知於生死是說名知見者生死智通是說修定知見共依五陰

慧分別當知 求得諸功德 金剛喻四禪。
是名爲漏盡

慧分別當知求得諸功德者方便生功德名欲界戒

6012345678970123456789

80123456789

聞思修功德一切色無色界善法一切無漏有爲法
是一切修定分別慧金剛喻四禪是名爲漏盡者金
剛喻名最後學心共相應共有第四禪所攝是說修
定漏盡何義此如來自已說問世尊說四如意足四
正斷四意止彼亦應當說相答

善有爲諸法 求方便等起 佛說如意足
亦現正意斷

善有爲諸法求方便等起佛說如意足者求方便等
起如前修定分別慧說是一切如意足如意乘器故
亦現正意斷者即此一切功德說正斷

彼亦是意止 四聖種亦然 謂有恩力生

彼聖之所說

彼亦是意止者即此法亦說意止問世尊說四聖種
此云何答四聖種亦然即此法亦說四聖種問何以
故此一切功德說意止正斷如意足聖種答謂有恩
力生彼聖之所說此諸法謂定恩力生由定生是故
說如意足精進恩力生故說正斷念恩力生故說意
止少欲知足恩力生故說聖種已共分別道品自相
今當說

淨信精進念 喜慧及猗覺 護思惟戒定

是法謂道品

此十法說道品非餘於中信是信根信力精進是正斷精進根精進力精進覺支正方便念是念根念力念覺支正念喜是喜覺支慧是四意止慧根慧力擇法覺支正見猗是猗覺支護是護覺支思惟是正志戒是正語正業正命定是四如意足定根定力定覺支正定問何以此法如是多種分別答

處方便一意 輒鈍及利根 見道思惟道

佛說三十七

處者正念立緣中故說意止方便者正方便故說正

斷一意者立一意故說如意足輒鈍者輒鈍意得故說根利根者利根意得故說力見道者見道得故說道支思惟道者思惟道得故說覺支是謂分別事故佛說三十七此十法事故佛說三十七問此道品何地所攝答

禪第二未來 是說三十六 三四三十五

中間禪亦然

禪第三未來是說三十六者第二禪無正志未來禪無喜覺支餘有三四三十五中間禪亦然者第三第四禪中間禪無喜覺支無正志餘有

論

南無聖僧

大

經

第一說一切三空三十一最上二十一

欲界二十二

第一說一切者初禪具有三十七三空三十者空中有三十一喜正志正語正業正命身意止彼中無餘有最上二十一者非想非非想處無七覺八道及身意止欲界二十二者除覺支道支餘有問世尊說四食搏食更樂食意思食識食是何答

諸食中搏食是欲界三種識思及更樂

是食謂有漏

諸食中搏食是欲界三種者欲界搏食三種香味細

滑除飢渴故說食識思及更樂是食謂有漏者有漏識有漏思有漏更樂是說食有何義後生相續不斷故說食問世尊說三三摩提空無願無相此三摩提云何行幾行答

無願有十行二行是空定聖行中四行

說是無相定

無願有十行者無願三摩提行十行無常行苦行習諦四行道諦四行二行是空定者空三摩提二行空及無我行聖行中四行說是無相定者無相三摩提滅諦四行問世尊說四顛倒於無常有常想心顛倒

論

龍藏卷四

卷四

想顛倒見顛倒苦有樂想不淨有淨想非我有我想
心顛倒想顛倒見顛倒此何見斷爲何性答

曉了見苦斷 四種是顛倒 三見性所有。

捨見正見說

曉了見苦斷四種是顛倒者一切四顛倒見苦斷以
行苦處故三見性所有捨見正見說者顛倒是見性
三見中最上卽是說顛倒身見是說我見我是我見
故邊見見有常及斷見盜不淨見淨彼一切行苦處
及見性所有心想見作亂故說心顛倒想顛倒見顛
倒但非性顛倒問世尊說多見六十二爲首是何見

所攝答曰一切見是五見所攝身見爲首問云何知
答

誹謗於真實 此說爲邪見 非實而見實
是二見及智

誹謗於真實此說爲邪見者謂見誹謗真實法無此
如說無施無齋無說如是一切說邪見非實而見實
是二見及智者五陰中不真實我見我觀有實是見
說身見非真實樂淨觀有樂淨是見見盜及餘邪智
思惟所斷如夜有見謂是賊如堅木人像

淨見謂戒盜 是非因見因 受邊說此見

論

論

論

論

依斷滅有常

淨見謂戒盜是非因見因者謂法於法非因見是因
此見是戒盜如苦行至解脫受邊說此見依斷滅有
常者謂見無常事見常是謂有常見謂因緣相續不
識已見斷是謂斷見謂之受邊見

建立諸誹謗 因依於二邊 若有事轉行
是正見應斷

建立諸誹謗者說邪見彼若誹謗苦是見苦斷若誹
謗習是見習斷若誹謗滅是見滅斷若誹謗道是見
道斷身見建立於苦我是我是見苦斷見盜建立苦
爲樂是見苦斷若習是見習斷若滅是見滅斷不受
正法是故見滅斷道亦復然戒盜若行有漏處是見
苦斷若行無漏處是見道斷滅見斷滅計常是亦見
苦斷現五陰受斷滅計常非不現此中分別一切諸
見問世尊說二十二根此云何答

諸界在於內 身三及命根 是根生死依

聖人之所說

諸界在於內者眼耳鼻舌意身三者身根三種身根
男根女根及命根者命根第九是根生死依聖人之
所說者此九根生死依故說根衆生是生死想

論

阿彌陀經疏

卷三

五

從痛諸煩惱 信首依清淨 九根謂無漏
是三依於道

從痛諸煩惱者樂根苦根喜根憂根護根是諸痛從此諸煩惱故說根信首依清淨者信根精進念定慧根依此解脫故說根九根謂無漏是三依於道者信首五根三痛及意根是若無漏依道故說根謂從信行法行道所攝是未知根謂思惟道所攝是已知根謂無學道所攝是無知根問此中幾欲界繫幾色界繫幾無色界繫答

欲界四善八 色種性有七 諸心數者十

一心慧所說

欲界四者男根女根苦根憂根是一向欲界繫餘如界品說善八者信首五根及三無漏色種性有七者色根有七五色根男根女根餘者非色問幾性心幾性心數幾非性心非性心數答諸心數者十信首五根及五痛一心慧所說者意根是餘根非性心非性心數問幾有報幾無報答

一及十有報 是慧之所說 十三中是報。
見實者分別

一者憂根一定有報一向善不善故現在方便起是

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

論

三

卷一

不從報生非威儀非工巧是以非無記故一向有報及十有報是慧之所說者信首五根謂有漏是有報謂無漏是無報意根及三痛謂無記及無漏是無報餘善不善是有報苦根謂無記是無報餘有報問幾是報幾非是報答十三中是報見實者分別十三根中或性是報或非色根七命根意根及四痛無記法者善不善中生故報問生時幾根最初初得報答

二或六七八 謂初時可得 欲中有報想
亦六及上一

二或六七八謂初時可得者謂漸漸成根如卵生濕

生胎生是最初時二根生身根及命根化生無形得六根五色根及命根一形七二形八欲中有報想者此說是一向欲界衆生亦六及上一者色界最初得六根無色一根彼爾時一向穢汚心是以一向穢汚得心心數法非報問命終時幾根最後捨答

四捨八與九或復捨於十死時漸漸滅者無記心漸

善捨各增五

四捨八與九或復捨於十死時漸漸滅者無記心漸
命終時最後捨四根身意命護根無形一時無記心
命終捨八根一形九二形十善捨各增五者卽彼善

60

0 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

心加增信首五根如是色無色界隨根可得亦如是
問幾見斷幾思惟斷幾無斷答

二斷無斷四 二種根有六 三微妙不斷。

謂餘思惟斷

二斷無斷四者四根見斷思惟斷無斷意根及三痛
二種根有六者信首五根及憂根三微妙不斷者三
無漏是不斷謂餘思惟斷者九根思惟斷命根八及
苦根已說諸經問今當說問世尊說六識眼識耳鼻
舌身意識此識識何法答

若取諸根義 是五種心界 受一切諸法

是謂意識界

若取諸根義是五種心界者義名五種色是五識識
眼識識色乃至身識識細滑受一切諸法是謂意識
界者意識識一切諸法此境界一切諸法問有十法
欲界相應不相應色界相應不相應無色界相應不
相應有爲無漏相應不相應無爲二種善及無記此
中應分別智一一智境界幾法答

五法應當知 法智之境界 未知智爲七。
他心境界三

五法應當知法智之境界者五法法智境界欲界相

應不相應無漏相應不相應無爲善未知智爲七者
未知智境界七法色無色界及無漏相應不相應無
爲善他心境界三者他心智境界三法欲色及無漏
相應

有漏智有十 因果境界六 解脫智一法

道二謂餘九

有漏智有十者有漏智是等智彼一切十法境界一
切法境界故因果境界六者苦智及習智是境界六
法三界相應不相應解脫智一法者滅智境界一法
惟無爲善道二者道智境界二法有爲無漏相應不

相應謂餘九者餘盡智無生智是境界九法除其無
爲無記是謂智解

自地煩惱定 所使於自地 一切徧是種

隨在於彼類

自地煩惱定所使於自地者欲界諸煩惱所使於欲
界梵世諸煩惱所使於梵世如是至非想非非想處
盡當知一切徧是種隨在於彼類者通一切徧不通
一切徧諸煩惱所使隨種通一切徧亦他種如身見
見苦斷此中苦諦所斷一切使所使及見習斷通一
切徧如是至命根思惟斷此思惟所斷一切使所使

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

及通一切

三界煩惱定 定在於三界 二界應當知
一界亦復然

三界煩惱定定在於三界者謂法三界所攝是定在於三界此中三界一切使所使如意根定在三界此中一切使所使二界應當知者謂法二界所攝是定於二界此中二界一切使所使隨界可得如覺觀定在欲色界此中欲色界一切使所使一界亦復然者謂法定在一界此中一界一切使所使如憂根定在欲界此中欲界一切使所使

此佛說契經 顯示於諸法 識智及諸使

分別此三門

此佛契經中若說諸法是三門應分別識門智門使門如欲有中五根義是六識識色界四識除鼻識舌識相應不相應故七智知五種故欲色界使所使雜品第九

已說契經品雜品今當說

已說隨相應 一一分別法 於上衆雜義

今略說善聽 有緣亦相應 有行或與依
心及心數法 是同一義說

心及心數法此名差別一切行一緣是故說有緣更
互相應故說相應境界行故說行由依生故說依

從緣生亦因 有因及有爲 說處有道路。

有果應當知

有爲法中此名差別由依緣故說緣生他故說因由
依因故說有因由依造有故說有爲多方便善顯現
故說處依過去未來現在道路故說道路有轉成果
故說有果

有惡亦隱沒 穢汚下賤黑 善有爲及習

亦復名修學

有惡亦隱沒穢污下賤黑者不善及隱沒無記法此
名差別不可說輩中立故說有惡煩惱所覆故說隱
沒煩惱垢污故說穢污凡鄙故說下賤無智暗亂故
說黑善有爲及習者善有爲法此名差別慧中生故
說善行時能得功德及可行故說習及修已說心相
應行心不相應行今當說

無思想二定 亦衆生種類 句身味名身

命根與法得 凡夫性所有 及諸法四相。

非色不相應 說是有爲行

無思想者生無想天心心數法不起二定者無想定

滅盡定無想定名狀於生死解脫想由第四禪心相續一時斷滅盡定名狀於勞務息止想由非想非非想心相續一時斷亦衆生種類者生處已生於此處衆生依及心相似句者名會所說如所行非常謂興衰法味者句會事廣說如偈及契經名者字會說義如說常命根者根及大等相續不斷得者成就諸法不捨凡夫性者未取正證離聖法是凡夫性所有四相者生住老無常非色者此一切諸法如上所說非色非色所攝不相應者無緣故說是有爲行者有爲造故說有爲行問此中幾善幾不善幾無記答

善二三種五 七應是無記 二在色當知

一在無色地

善二者無想定滅盡定三種五者得生老住無常善中善不善中不善無記中無記七應是無記者七無記無想天衆生種類句味名命凡夫性所有問此中幾欲界繫幾色界繫幾無色界繫答二在色當知一在無色地二在色當知者無想定及無想天是色界一在無色地者滅盡定在無色界

二界說於三 謂餘在三界 有漏無漏五
其餘定有漏

二界說於三者句味名亦在欲界亦在色界非無色
界離言語故謂餘在三界者衆生種類命得凡夫性
所有及四相通在三界問此中幾有漏幾無漏答曰
有漏無漏五其餘定有漏五者得生老住無常在有
漏中有漏在無漏中無漏其餘定有漏者謂餘一切
定有漏問此離聖法假名凡夫三界中無記此云何
捨云何斷答

初無漏心中 聖不成就捨 凡夫流諸界

離欲時滅盡

初無漏心中聖不成就捨者第一無漏心中得聖法

時得不成就捨凡夫流諸界者流諸界時謂處所命
終此處所捨謂處所生彼處所得無記故離欲時滅
盡者謂地凡夫所有若此地離欲爾時得滅凡夫性
已說心不相應行無爲今當說三無爲法數緣滅非
數緣及虛空於中數緣滅者解脫諸煩惱依於數緣
滅有漏法離煩惱解脫數緣力智力計校事有而無
是名數緣滅無罣礙之相是名曰虛空謂不障礙色
是虛空

諸法衆緣起 亦從依與緣 不具以不生
此滅非是明

論

阿彌陀經疏

卷三

七

一切有爲法從衆緣而生無緣則不生如眼識依眼
依色依空依明依地依寂然若此一切共和者便得
生若餘不具便不得生如眼時眠一切時生爾時是
餘事不具眼識不得生若彼眼識應當生而不生眼
生已終不復更生離此緣故是有未來不復當生彼
起具差違不和是非數緣滅如是一切行盡當知已
說無爲因今當說問有爲法說是因此中云何因爲
誰不因答

前因相似增 或俱依倚生 二因及一緣

一向已生說

前因相似增者前生法後生相似因轉增如轉善於
自地轉善因及中因上因中於中因及上因上惟上
因行法時有住有增終不減以是故非爲轉因或俱
依倚生者或因俱生如相應因及共有因二因及一
緣一向已生說者自然因已生當言因非不生前者
後因未生者無前後若爲有者應隨時生不從因但
不爾是故不有一切徧因亦如是及次第緣問謂此
報者爲是衆生數爲非衆生數答報是衆生數報者
衆生數法中說非不衆生數所以者何衆生數者不
共有非衆生數共有是故非報問是果法云何答有

爲解脫果一切有爲法性果所有由因緣故無爲解脫亦應說道果間有緣法云何行緣答有緣者共俱有緣法是相應是共俱一緣中行不別問何處行答行於他境界他境界中行非自性離自行及緣差別故問心心數法爲有處所爲無處所答無處所所以者何普因故普因生心心數法因二眼生一識若有住處者應住一眼中一識故若爾者第二眼不應見色而見是故非一眼中住如是一切盡知若如是者以是故無住處問世尊說心解脫云何心解脫爲過去爲未來爲現在答生時而解脫道生時解脫所以

者何道生時諸煩惱滅是故生時解脫問道生時斷煩惱爲不答

道滅時滅結 明慧之所說

道滅時斷諸煩惱非生時所以者何道生時是未來道者不能行事以是故無礙道滅時斷煩惱解脫道生時解脫問世尊說有愛無有愛有愛幾種無有愛幾種答

有愛有五種 無有獨一相

有愛有五種有愛名於生不生物若愛是名有愛此五種見苦斷見集滅道斷及思惟斷無有獨一相者

無有愛名已見斷樂於斷是名無有愛此一向思惟
斷所以者何從見愛思惟斷此是不轉行相續中愛
非愛見是故思惟斷問世尊說三界斷界無欲界滅
界此何相答

愛處餘煩惱 滅盡是三界

愛斷是無欲界處斷是滅界餘煩惱斷是斷界問十
心欲界善穢污無記色界善穢污無記無色界善穢
污無記及無漏此心幾穢汚心中可得幾善心中可
得幾無記心中答

穢汚心得十 正覺之所說 善心中得六

無記卽無記

穢汚心得十正覺之所說者穢汚心中得一切十心
界及地來還時三界善穢污及無記此心一切得退
時得無漏善心中得六者善心中得六心欲界善求
學得及身口行亦變化心無記色界善變化心無記
無色界善心及無漏無記卽無記者無記心惟得無
記以劣故問前已說道品十法此中幾根性所有幾
非根答

道品有六法 當知是爲根

此中六法根性所有信首五根及喜餘者非根所有

問諸法爲自性相應爲他性答

相應於諸法 是說謂爲他

諸法他性相應不自性非爲自性於自性伴問若此解脫當云何答

緣中解於縛 大仙人所說

諸煩惱於緣中愚卽彼不起愚緣中縛卽於中解不可以相應解相應所以者何以空故問若斷卽是解脫爲異不答如是若解脫者卽是斷問頗斷非解脫不答有或斷已故縛見道及思惟苦智已生習智未生見苦所斷煩惱斷而見習所斷煩惱縛如是思惟所斷一切種更互相緣故問見四真諦云何得不壞淨答

二解於三諦 四由見正道 與起清淨信
修習於一世

二解於三諦者觀苦習滅得於法不壞淨苦智習滅相應信是名不壞淨得是及聖戒四由見正道與起清淨信者見道時具得四問幾世修答修習於二世諸法修於二世現在行修未來者得修問心共行法云何答

一切心數法 說是心共行 此相及餘法

作亦應當知

一切心數法說是心共行者一切心數法說心共行
心近故此相者此心有四相生住老無常亦心近故
及餘法者餘心數法相亦心共行作亦應當知者無
教戒如前說問斷法云何答斷諸有漏法一切有漏
法斷雜惡故問知法云何答知及諸無垢有漏及無
漏是一切知法一切智境界故問遠法云何答過去
未來是說遠不辦事故問近法云何答餘說近現在
近辦事故無爲近速得故問定法云何答

無間無救業 及諸無漏行 慧者說是定

五無間業是定必至地獄故無漏行亦是定必至解
脫果故餘不定問見處云何答見處必有漏一切有
漏法見處五見處所故問若成就根是成就幾根答
說有十九根 謂成就極多 少成就極八

曉了根所說

說有十九根謂成就極多者十九根成就極多如二
形及具根者未離欲見諦少成就極八曉了根所說
者成就八根如不具身根斷善根及生無色中凡夫
問幾種更樂答五種

增有對無明 處中明更樂 聖道俱有二

能興起成果

意識相應更樂是說增更樂五識相應更樂是說有對更樂穢汚更樂是說無明更樂無漏更樂是說明更樂有漏非穢汚更樂是說非明非無明更樂問何等道得果爲無礙道爲解脫道答聖道俱有二能興起成果二道共得果一者解縛二者得解脫此二道成果問無著住何心般涅槃答無著報心中得無爲涅槃無著一切事無所作無所爲無所求住從報心中便般涅槃問幾有答

生有及死有

根本亦復中

生有者始生時陰是謂生有死有者死時陰是謂死有根本有者除生有及死有於其中間陰是謂根本有中有者有所至陰是謂中有問說有狀有離欲云何狀云何離欲答

諸智在苦因 說普在四中

諸智在苦因此忍修於狀者若智及忍緣苦習是說狀行狀處故滅欲得無欲說普在四中者四諦中智及忍說離欲能斷欲故

論品第十

60

80

9

言

阿彌陀經疏解

卷三

三

威儀不威儀 若離復獲得 不由此致勝
能決定者答

答有從無色生色

頗得聖果時 一切離諸惡 有爲淨善法
得已而不修

答有退時得過去

道者興起時 未遠離諸惡 解脫時離惡
願答已必定

答有謂當來修

頗光曜煩惱 與起於定時 清淨初禪中

獲得墮衰退

答有無著果修及熏修

頗見諦道中 逮得諸善法 是法亦有緣
聖者不見緣

答有欲界中修行等智

頗慧有漏果 遠離淨功德 不離從於意
此亦是彼果

答有欲界變化心

頗住無礙道 成就於諸滅 諸煩惱從彼
非如無漏見

卷三

阿彌陀經疏解

卷三

三

言

卷四

三

五

答有修學諸通時

頗結不解脫

無垢者獲得

而不斷煩惱

謂此無垢盡

答有從光曜中生梵天時

頗無漏淨地 未曾得已得

不離欲非退

不依於見道

答有離色欲取證時得無漏無色思惟道

頗未得諸法 而逮得此法

不捨彼不得

若能知者答

答有餘初無漏心品得餘無漏功德捨凡夫事餘者

一切不得

阿毗曇心論卷第四



吳江縣居士周廷祚

吳昌文

袁

袁松沈肇開

沈繡裳等爲

徽

虞部葉紹袁五十生辰

捐資刻此

袁

阿毘曇心論一卷

計八千六百八字

該銀

四兩三錢唐縣比丘如渡對

上元胡之援刻

。

崇禎己卯仲夏吳江接待寺識

。

60

60 1 2 3 4 5 6 7 8 9 10

8

0

2

100

33

4

51

6

2

88

卷二

卷五

四

錢記
辰元

十一
十六